

a2^r

Dem Durchleuchtigen Hochgebor^{en}
 nen Fürften vñ herrn/ Herrē Wilhelmē/ Princen
 zu Vranien/ Grauen zu Naffawe/ Catzenelenbo^{en}
 gen/ Vianden/ vnd Dietz/ 7c. Herren zu Breda/
 Dieft/ Arley/ Warnefton/ Rumpft/ vnd Grym^{en}
 bergen/ Vicegraffen zu Byzantz vnd
 Antorff/ 7c. meinem gnedigen
 HERREN.

DVrchleuchtiger/
 Hochgeborner Fürft/ gne
 dige Herr/ der Hochlöß^{en}
 lich Keifer Juftinian/ gi^{en}
 bt in feiner Vorrede di^{en}
 fer vier Rechts anfangs
 vnd vnderweifungs bü^{cher}
 cher/ vnder andern zuuer^{en}
 ftehen/ vnd zeigt an/ daß er dieselbige der Ju^{en}
 gent/ fo das Recht anfenglich lernen/ vnd dar^{en}
 nach in der Regierung brauchen foll/ zu gütem/
 gantz einfeltiger fchlechter weyfe/ hab ftellen
 vnd befchreiben laffen/ der meynung vnd herrli^{en}
 cher vertröftung/ wann fie darinn wol vnder^{en}
 wiefen vnd geübt feyen/ daß fie alsdann vol^{en}
 gends in feinem vnd gantzem Römifchen Reich
 an enden vnd orten/ da jrer von nöten/ zu der Re^{en}
 gierung gezogen oder gebraucht werden follten:
 Dann es zwar ein geringer nutz were/ wann man
 der Rechtsbücher fchon vil hette/ fchribe/ lese/
 vnd lernet/ wann fie zu dem/ darumb fie gefchri^{en}
 a ij ben/

a2^v

Vorrede.

ben/ gelernet/ vnd gelesen/ fortan nicht auch ge-
braucht werden solten/ nemlich zu befürderung/
pflantzung/ vnd erhaltung des Rechtens vñ der
Gerechtigkeit/ darauß dann volget vñ erwächst
rûwe/ frid vnd einigkeit/ wie folches fürnemlich
mit difem feinē Rechtspruch gemeynet wirt/ Pa-
rùm est ius in Ciuitate esse, nisi sint qui administrant.
Nun ifts aber offenbar/ daß niemand das Recht
vnd gerechtigkeit zu gebrauchen/ zu befürderen/
zu pflantzen/ zu erhalten/ vnd zu handhaben/ so
hoch gebürt/ als der Oberkeit/ Keiser/ Königen/
Fürften vnd Herrn/ so Land vnd Leut zu Re-
giern/ Ampt zu bestellen/ vnd die Gericht zu ver-
walten haben. Denen allen ift sonderlich vnd
fürnemlich das Recht vñ die Gerechtigkeit von
Gott beuolhen/ vertrauet/ vnd in die hand ge-
geben/ daß sie es wiffen/ verftehen vnd brauchen
sollen/ Vnd wie alle Menfchen auff Erden/ ein
jeder etwan zu einem befondern Handwerck oder
Kunft von der Jugent auff erzogen vnd gehal-
ten wirt/ damit er fein lebenslang vmbgehet vnd
zu schaffen hat/ sich des beflisset vnd helt: Also
sol der Fürften vnd Herrn/ so Land vnd Leut zu
Regiern haben/ fürnemft werck feyn/ das Recht
vnd Gerechtigkeit vben/ schützen vnd handha-
ben/ die Ampt vnd Gericht dermassen besetzen/
(dieweil sie nicht alles felbs außrichten können)
daß meniglich Recht widerfaren möge/ vnd sich
niemands vnrechtens oder vergwaltigung zu
beklagen habe. Difem Fürftlichen Ampt vnd
werck zu dienft vnd güttem/ hat der löblich Kei-
ser Justinian die vier Büchlin Inftitutionum
auß

a3^r

Vorrede.

auß groffer volmeynung vnd fonderlicher vor-
 betrachtung der jugent vnd Regierung zu nutz/
 durch feinen fürnembften gelertestē Rath Tri-
 bunianum ftellē/ vñ in das gantz Rômifch Reich
 Publiciern vñ außgehen laffen/ den anfang vnd
 grund der Fürftlichen Kunft/ des Rechtens vnd
 Gerechtigkeit/ als von der Wiegen her darauß
 zu fchöpfen vñ zu lernen. Darumb zwar niemäd
 die felben für geringe anfehen oder verachten/
 fondern vil mehr vmb jrer fonderlichen gaben vñ
 nutztes willen/ fie billich hoch vñ werth haltē fol/
 dann vil güter Rechts lere vñ Regel darinn be-
 griffē vñ angezeigt feynd/ Als/ daß die Enckeln
 den Anherrn in die Stämme/ vnd nit in die hâu-
 pter Erben/ vnd dergleichen vil andere mehr/
 hie zulang zu erholen. Dieweil dann der Keifer
 Juftinian an ftatt einer fonderlichen verehrung
 vñ treflichen Kleinots/ dife feine vier Büchlin/
 das Fürftliche Ampt/ werck vnd kunft des Rech-
 tens vnd der Gerechtigkeit darauß zu lernen vñ
 fallen/ der Jugent anfenglich fürgelegt vnd ge-
 fchenckt hat/ Des gleichen nachuolgends der Kei-
 fer Lotharius Saxo/ ein befonderer liebhaber
 vnd befürderer des Rechtens/ diefelbē Büchlin
 Inftitutionum/ fo etliche jar durch die vorge-
 henden Krieg vngeacht verlegen waren/ zu fei-
 ner zeit auch widder herfür bracht/ vnd der ju-
 gent fürgelegt hat/ als zu erhaltung Rechtens
 vnd der Gerechtigkeit dienlich/ nützlich/ vñ not-
 wendig: Wer wolt dann fo grob vnd vnuerften-
 dig feyn/ vnd fagen/ daß dife Büchlin/ ob fie wol
 klein vnd geringe anzufehen/ als der jugent vnd
 a iij Re-

a3^v

Vorrede.

Regierung vndienlich/ zuuerachten oder zuuerwerffen leyen? Ja es foll jdermañ billich/ vñ sonderlich die jungen Fürften vnd Herren/ so zu der Regierung geborn vñ verordnet/ dem hochlößlichen Keiser Justinian für solich edel geschēck vñ Kleinot groffen danck sagen/ vnd seiner vermanung folgen/ daß sie in studierung vñ fassung dieser Rechts vnderweisung vñ Fürften kunft/ sich also fleißig vñ willig erzeigen vñ anstücken/ daß sie dardurch von jugent auff zu der Regierung/ als jrem von Gott befohlenem Ampt vnd werck tūglich vnd geschickt werden/ das Recht vnd Ge rechtigkeit pflanzen/ befürdern/ vñ erhaltē helffen/ wie sie vor Gott schuldig seyend/ vñ jnen zum höchsten aufgelegt vñ beuolhen ist/ wollē sie anders der bedrawten straffe entfliehen/ vñ des segens teilhaftig werden/ welche Gott beide den Fürften vnd Herrn durch den mund des weisen Königs Salomonis verkündigen vnd anzeigen läßt/ Nemlich/ da er spricht: Ein Fürft/ welcher seinen Vnderthanen das Recht aufrichtig vnd warhaftig mittheilet/ vnd widerfaren läßt/ des stūle vñ sitz sol fest bestehen/ vñ als je mehr zunemen: Aber hinwiderumb den Fürften/ welcher vnrecht thūt/ betrug vnd gewalt übet/ wirt der Herr von seinem Regiment verstoffen/ vñ kompt also ein Reich von einem volcke zu dem and^{ern}/ 7c. Darumb hat zwar der Keiser Justinian nit allein als ein mächtiger weltlicher weiser Fürft/ sondern auch als ein Gottsfürchtiger Christlicher Keiser/ diese Anleitung vnd Vnderweisung des Rechtens der jugent zubereiten lassen/ auff daß

a4^r

Vorrede.

daß sie zu folcher Fürftlichen tugent/ Ampt/ Kunft/ vnd Werck erzogen/ vñ in Verwaltung rechtens vnd der Gerechtigkeit/ in difem eufferlichen gemeynen leben/ die Gotfeligkeit gefürdert/ friede vnd rüwe/ vnd einigkeit erhalten werden möcht: Vñ welches willē ich dañ auch dife arbeit fürgenommen/ folche vier Büchlin Inftitutum zuuerdeutschen/ welche ich Ewer F. Gnaden/ als einem Jungen angehenden regierenden Fürften zu Ehren/ in fonderheit dediciere vñ zuftelle/ mit vndertheniger biet/ Ewer F. Gnade wolt folchs Büchlin in Gnaden annemen/ vñ etwann zu gelegener müffiger zeit lefen/ werden Ewer F. G. darinn fürnemlich dreierley befinden: Ertlich/ was bey den alten Keifern im Römiſchen Reich recht/ vñ im brauch gewefen: Zum andern/ was darnach geändert/ abgefchaffet vñ verbessert worden ift: Zum dritten/ was nun hinfür Recht feyn/ gebraucht/ erkandt/ vnd gehalten werden foll: Wo folcher dreier puncten hierinn fleißig acht genommen/ ift die gantz materey dife vier büchlin defto leichter zuuerftehen vnd zu begreifen. Thû Ewer F. Gnaden mich hiemit in vnderthenigkeit beuelhen. Datum Dillingen am erften tag Septembris/ Anno 7c. LI.

Ewer F. Gnaden
vndertheniger

Juftinus Gobler von S. Gewere/
der Rechten Doctor/ 7c.

a iij Ti